

王強 主編

近代世界史文獻叢編

14



廣陵書社

第十四冊

萬國興亡史（日本）松村介石 著 覺民社 譯 清光緒二十九年 清國留學生會館 文明書局：一
萬國史綱（日本）元良勇次郎 著 邵希雍 譯 清光緒三十二年 支那翻譯會社…………… 一四七

日儒松村介石著

萬國興亡史

覺民社譯印

小引

一是書構思三歲始獲告成丹鉛叢襍則謬猶多蓋予任雜誌編纂及社會教育演說時事紛迫不得一意從事此著遷延至今始付剞劂唯其中感慨所及時紆已意耳

一初欲著文明史單行本後以古今萬國歷史作者甚尠其偶有成書多爲小學中學略示梗概即執彼冊以說今日文明史參照事實原委剖析識者蓋少因易宗旨先就新歷史反復陳說學者欲考文明之迹興亡之理不辭固陋用附紹介之列

一參攷書籍難以備舉如只努意書體裁甚善初欲取爲底本旁參已見詳細閱之此書又失于簡略事理源流多有缺佚乃不專倚此本因上溯古代史下迄中古史各國々別之書世界編年之集以及宗教學術商業諸類歐美人土文明著述凡與歷史相關係者參攷編輯彙成是帙

一此著遺漏甚多今難竄改待著近世史最近世史以償夙願蓋近世史最近世史

關係全歐如明花結果諸君讀之必撫卷稱快夫古代史中古史爲人類歷史之根幹其間消息源流不先貫澈則近世史最近世史斷難索解今日日本政治法律工商諸學々自歐州原不得與歐人比但日本有日本文明之淵源彼國亦有彼國文明之淵源學之者無自諉曰我不能也日本人教育特質善取人長藉爲已用發達進步且突過之如徒襲外貌侈務新奇精神所係恍然若亡是亦沐猴而冠而已古代史至中古史爲彼國文明之先路不得此中要領即不得歐人神髓此書公諸世用爲日本人置歐美之郵云

一日本支那史其他東洋歷史此書記錄較少蓋此以萬國興亡史標題獨出作者之意夫萬國古代史原無東西區別後以民族各起疆域分據至中古史期始成東西互角之勢中古以後東洋文明日見凌東西洋文明駸々稱盛因先取西洋文明發達之由詳著爲史更取東洋文明史有關興亡者別著爲書讀者諒之

著者識

萬國興亡史

目次 第一

緒言

古代史概觀

埃及

巴比倫及阿西里亞

非尼西亞及恰爾則幾

支那與天竺

波斯

希臘

馬其頓里亞王國

羅馬

基督教

目次

羅馬末路之帝王與基督教

一 君士坦丁帝與基督教

二 久尼菴與基督教

三 覺非菴與削特斜斯

東西羅馬帝國之由來

日耳曼人種

西羅馬帝國之滅亡

中古史概觀

過去之古代史將來之中古史

歐洲各國建設

伊大利國

法蘭西國

英吉利國

西班牙國

基督教之發達

東羅馬帝國

馬哈默德回教

回祖教馬哈默德以後之形勢

斜爾門大帝時代 (法國史)

亞奴福列特大王時代 (英國史)

一北人中丁抹人之襲來

一亞奴福列特大王

斜爾門後其子孫與歐洲各地之形勢

一法國

一德國

當時制度

目次

一 選舉制度

一 封建制度

一 政教一致制度

法國方面

英國方面

英法德以外歐洲諸國人

一 北人

一 匈牙利人

一 義大利人

一 西班牙

一 斯拉布人

一 當時未著諸國

東羅馬帝國

回教徒方面

寺院制度與武士制度

一寺院制度

一武士制度

目次 第二

十字軍

十字軍結果

當時宇內形勢

日耳曼史

法國史

英國史

英德法以外歐洲諸國

一西班牙

目次

目次

一 伊大利

一 東羅馬帝國

一回教徒之方面

新民族蒙古人襲來

日耳曼史

法國史

英國史

東羅馬帝國滅亡

當時商業界之形勢

當時學術界之形勢

當時精神界之形勢

結論

萬國興亡史目次終

萬國興亡史

日本松村介石著

緒言

見聞之陋也。其在文物未啓之時代乎。在昔日本。取象天地。凡此人種。稱曰天孫。又取訓日出。以名其國。洵自尊大矣。今以地球大面積計之。僅占三百分之一。以世界人口較之。僅得四十分之一。其文化發達。參諸宇內。歷史如埃及。如巴比倫。如亞西里亞。如希臘。如羅馬。皆先我數千年。已臻文明之域。宗子繁衍。開闢歐美之新天地。其潮流將汎濫於今世界。日本國民。應有若何之感覺乎。若徒嫉視異國。或崇拜彼族。其流禍皆可抵於危亡者。當此遞接時代。惟有通古今盛衰之史。明萬國消長之迹。討文野之消息。趁文明之風潮。鼓蕩直進。駕彼族而上。正未可知。況大和民族。富於進取氣象。誦儒書而養忠勇精神。闡佛典而得大乘神髓。師承之祖國。若中國。若天竺。反瞠然視我後焉。則今日誘導而孟晉之。安知彼國之文物工藝。輸入我國者。

他日不瞠然出於我後也。雖然維新以來經年未久。政治教育工藝及他百種事業。不過略著其緒。今北清兵事風雲甫定。日英同盟強與頡頏。翻然迴顧日本國社會上之智德如何程度。卑下實有。大可慨者。予睠於此。感不能忘。竊上取古代下迄近世。萬國文明發達之梗概。及其興衰之原因。爲國民智識道德上作一大供給。家庶讀者知歐洲之有今日。非偶然也。

古代史概觀

歷史以前之人類。邈焉難詳。即欲徵厥濫觴。不過與古物學言語學等發思古之幽情耳。然其人類已成種族。由部落而邦國。政治文物典章。稍可攷見。用先錄人類最古史。

埃及 (Egypt)

紀元前五千年至五千五百年

埃及在亞細亞西端。阿非利加東端。其地中海一隅。今屬英領。西由幾 (Suez) 海峽。扼歐洲諸國爲海軍咽喉地。亦已非埃及人。有其古代文物工藝。今猶巍然可觀。然

遺址僅存。徒供旅人遠眺。唏噓憑弔而已。三角塔不過國王一墓表耳。其高至四百五十尺。面積十三萬衣苦而(Basile)。殆日本一萬八千坪。豪壯偉大。古今無匹。更有分克斯物(Sphinx)獅身女首。練土幻模。其狀巨大。渾如山岳。挿天冠雲。破空而立。然僅視其頭耳。全體尙深埋沙中。猶有數十百丈。不可攷求。其他千六百噸之大石。運於千百里外者。無慮數千。殿堂墓冢。類皆莊嚴金碧幽奧。陸離歐洲人見之。亦當囁舌。以視日本豐太閣之稱大佛。大坂城之號巨巖。排比短長。不可以道里計。此不過埃及粗巨之文物。其人物花鳥。彫刻寫生。巧美不可言狀。又有化石屍一理。尤屬不可思議之術。雖以今日歐洲科學。理化日新。尙無此精構。不識古代埃及人。據何妙術。過英國倫敦博物館。摩挲古物。眞令人俯仰往古。文明有嘆賞不置者也。

巴比倫并亞西里亞 (Babylonia and Assyria)

(紀元前三千五百年代)

此亦五千年前之古國也。其民族起於亞細亞西部。別爾西亞(Belsia)灣頭。勢力擴張。遂并吞東方亞細亞。殆抵天竺國界。其民族態度豪壯。不及埃及人。然亦能啓數

學。攷天文。定年月日時之制。作斗量。彫鏤金銀器物。窮極巧妙。設魯畢鄰 (Nubian) 圖書館。獎勵學事。酷嗜美術。今日土中掘發得石造人物鳥獸躍々有生氣。聖書發明。亦出此種民族。羅哇 (Nosh) 洪水爲患。因無治水策。國民創建避水塔。大厦隆起。高揖元表。墟址猶存。蓋洪水後。國有君主。治民事。制度粗備。實古代文明境域也。

希伯來人 (Hebrews)

(紀元前二千年至紀元後七十年)

巴比倫王國之古代。其民有阿布列顯 (Abraham) 者。思想深玄。見識卓拔。痛當時土風崇拜偶像鬼神。欲破其迷信。默認眞神上帝。爲萬物主宰。又悟造化源委。宜別有境界。乃避惡俗。轉徙西方。入地中海。擇僻處居之。造成一大文化國民。即希伯來 (Hebrew) 民族是也。夫埃及人擅樂建工藝之技。巴比倫亞西里亞人專長算數彫刻之術。若宗教哲學思想潮界。至希伯來人實啓萌芽。今日基督教所謂舊約書經典皆出此民族之手。編述成帙者。英國文學家巨擘脫馬斯 (Thomas) 克列奴 (Cry) 之師。非出于舊約書中。衣則阿篇者乎。所羅門 (Solomon) 箴言。今尙稱爲智識

之寶藏。其他莫色史(Moses)之法律。達非特(David)之詩歌。今日猶膾炙人口。即拜神一事。其文化發達。思想進步。亦足驚歎。

非尼西亞及哈爾則幾

(紀元前一千年至一千三百年)

非尼西亞與希伯來人接鄰。占地中海濱一小土。人民長航海術。制巨艦。開水路。尋地中海岸諸種民族。善經商。羅致金銀財幣。繁富殷賑。殆不可言。加以上古文字。胚胎最早。今日歐美文化諸國。溯厥文字源流。非尼西亞實爲先河。哈爾則幾。同立國地中海沿岸。在北阿非利之濱。非尼西亞國人殖民地也。後強大與非尼西亞並稱。

支那及天竺 (China and India)

(孔子紀元前五百年。生釋迦紀元前生同五百年)

試徵吾東亞細亞人之舊識。其學術進步。足凌駕西方。亞細亞其豪壯之大建築乎。如中國秦始皇之萬里長城。天竺之巨巖宮殿。雄風餘業。今猶有存者。其他文事。支